



Sofia Geisler
Inatsisartunut ilaasortaq, Inuit Ataqaṭigiit

Meeqqat atuarfiat pillugu § 37 naapertorlugu apeqqummut nr. 299-imut akissut

05-12-2018
Sagsnr. 2018 - 24408
Dok. nr. 9387853

Postboks 1029
3900 Nuuk
Tlf: +299 34 50 00
Email: ikin@nаноq.gl
www.nanoq.gl

Asasara Sofia,

Inatsisartut suleriaasiat naapertorlugu apeqqutigisannut qjanaq. Matuma ataani akissavakka.

- 1. Meeqqat atuarfianni tiimit atuartsiviusussaasut isumagineqarnissaanni vikarit (aalajangersimasut/aalajangersimasuunngitsut/timelærerit) qassit atorpeqartarnerat qitiusumik ilisimaneqanngitsoq Naalakkersuisut uppersarsinnaavaat?**

Akissut: Timelærerit atuartsisarnerisa annertussusaat, taamaasillunilu timelærerit amerlassusaat pillugit paasissutissanik Naalakkersuisut katersisarput, kisiannili klassimi nalinginnaasumik ilinniartitsisut peqanngikkaangata atuartsiviusussat aalajangersimasumik vikarit/aalajangersimanngitsumik vikarit/timelærerit atorlugit kommunit qanoq annertutigisumik aaqqiisarnersut paasissutissaatiginngilagut. Taamaallaat ilinniartitsisut/timelærerit peqanngikkaangata, aalajangersimasumik/aalajangersimanngitsumik vikarit atorpeqarnissaat siunertaasarpog. Aalajangersimanngitsumik ilinniartitsisut/timelæreit peqannginnerini vikarit sivikitsumik atorpeqartarput ass. piffissami sivikinnerusumi napparsimasoqarnerani, aalajangersimasumik vikarit piffissani siviunerusuni ilinniartitsisut/timelærit peqannginnerini atorpeqartarlutik.

- 2. Naalakkersuisut qanoq iliulersarpat ilisimasassaq apeqqut 1-mi pineqartoq paasiniassallugu?**

Akissut: Kommunini suliassat kiisalu akisussaaffeqarfiit taakku pillugi paasissuissanik katersuissallutik Naalakkersuisut maannakuugallartoq pilersaaruteqanngillat.

- 3. Naalakkersuisut ilisimatitsissutigisinnaavaat meeqqat atuarfiini atuatumut ataatsimut aningaasat qassit ukiumut atorpeqartarnerisut?**

Akissut: Meeqqat atuariini atuartumut ataatsimut aningaasat qassit atorneqartarnerannut naatsorsuinissamut Namminersorlutik Oqartussat imaluunniit kommunit nalinginnaasumik naatsorsueriaatsimik peqanngillat. Kommunit atuarfeqarfimminnut, elevhjemminut kiisalu MISI/PPR-inut naatsorsuutai tigugaanni, kiisalu 2017-imi nuna tamakkerlugu atuartut amerlassusaannik ilanngaraanni, ukiumi naatsorsuiffiusumi 2017-imi nuna tamakkerlugu meeqqat atuarianni suliassaqarfimmi tamarmi meeqqamut ataatsimut agguaqatigiissillugu 98.387,25 kr.-it atorneqarput. MISI/PPR-ip aamma atualinngitsut akisussaaffeqarfigai, tassani kisitsisit appasinnerutitsilaarsinnaapput, atualinngitsut pillugit suliassaqarfimmi kisitsisit kommunini naatsorsuutinit immikkoortinneqassappata. Agguaqatigiissitsilluni naatsorsuinermi Ilinniartitaanermut Aqutsisoqarfimmut aamma Ilisimatusarfimmi ilinniartitsisunngorniarnermut aningaasaliissutit ilanngunneqanngillat.

4. Naalackersuisut ilisimatitsissutigisinnaavaat ilinniartitsisut ilinniarsimasut atorfissaqartinneqartut massakkut ukiullu qulit siumut isigaluni qassiunersut?

Akissut: Ukiumi atuariusumi 2017/2018 ilinniartitsisut ilinniarsimasut nuna tamakkerlugu 246-t amigaatigineqarput. Kisitsit tamanna nassaarineqarpoq tiimit sulivallaarfiusut allatut naatsorsornerisigut, nunami atuarianni ilinniartitsisut (79) kiisalu timelærerit atorneqarsimasut (167).

Naatsorsueqqissaartarfik naapertorlugu inuit amerlassusaannik siumut naatsorsuineri, ukiut qulit qaangiuppata meeqqat atuartussaasutut ukioqartut taama amerlatigiinnapajaassapput. Meeqqat atuarii pillugit suliassaqarfimmi kommunit pingaarnersuisarnerini annertuumik allannguisoqanngippat, imaluunniit meeqqat atuarianni tiiminik atuinermut sunnuteqartumik aaqqissuusseqqittoqanngippat, ilinniartitsisunngorlaat amerlassusaat, imaluunniit ilinniartitsisut avataaneersut amerlassusaat taamaaginnarpata, ilinniartitsisunik ilinniarsimasunik pisariaqartitsineq ukiut qulit qaangiuppata nikissimassanngilaq, soorunami aalajangiisuuvoq, nunami illoqarfiit nunaqarfiillu akornanni nuttartarnerup allanngunngipajaarnissaa. Naalackersuisulli soorunami sulissutiginnassavaat meqqat atuariannut soqutiginnittut oqaloqatigisarneri ingerlatiinnassallugit, ilinniakkap kiisalu ilinniartitsisutut atorfiup inuusuttunut suli pilerinarninngorsarsinnaanera pillugu, taamaasilluni ilinniartitsisunngorniarneq ilinniakkatut pitsaasutut toqqagassaassalluni aammalu inuunermik pitsaasumik tunngaviussalluni kiisalu siunissami inuusuttortassatsinnut inuussutissarsiutigalugu pitsaasussasoq.

5. Apeqqut 4 pillugu: Kisitsimmut taaneqartumut suut tunngaviliippat?

Akissut: Qulaani pissutsit taaneqartut tunngavigalugit naliliineruvoq, ukiuni kingullerni qulini ilinniartitsisunngorlutik naammassisartut agguaqatigiissillugit ukiumut 36-t missaanniittartut, tamannalu allanngunngipajaassasoq. Ukiumi atuariusumi 2017/2018-imi ilinniartitsisut 56-it sinnerlugit ukiullit 260-iupput. Tamanna isumaqarpoq, ukiuni aggersuni qulini ilinniartitsisut 260-it missaanniittut soraarninngoriartuaassasut. Ilanngunneqartariaqarporli, ukiut soraarnerussutisiaqalerfissat 2021-imi 67-inut

qaffanneqartussaammata. Ilanngulluguli naatsorsoruminaappoq, ilinniartitsisut akornanni suliffimmik taarsiisarneq siunissami taamaaginnassanersoq tassa ilaatigut suliffimmik iluarisimaarinninnermik, paarsiinnarniarluni suliniutinik aamma suliffimi avatangiisit pillugit suliniutinik il.il. pissutilinnik.

Inussiarnersumik inuulluaqqusilluta
Med venlig hilsen

Ane Lone Bagger